



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**  
**Operational Center**

Broj: 22-04-44-1-83/19  
Sarajevo, 25.03.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 07:00 sati 22.03.2019. do 07:00 sati 25.03.2019. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 22.03.2019. godine u 14:05 sati od PS Centar da je u ulici Branilaca Šipa kod broja 3 prilikom izvođenja zemljanih radova pronađena tromblonska mina i kutija sa nepoznatim NUS-om.

O primljenoj informaciji obaviješteni su pripadnici Tima za UES Federalne uprave civilne zaštite, koji su navedena neeksplozirana ubojna sredstva preuzeli u toku dana.

**Profesionalna vatrogasna jedinica Kantonalne uprave civilne zaštite Kantona Sarajevo.**  
U izvještajnom periodu PVJ je imala 53 intervencije i to 51 požarnih i 2 intervencije na obezbjeđenju javnih događaja (koncert i fudbalska utakmica).

Veće požarne intervencije:

- Dana 23.03.2019.godine u 18:52 sati, u ulici Atife Karalić br.11 u naselju Švrakino Selo, došlo je do požara na krovu porodične kuće. U gašenju požara je učestvovalo 15 vatrogasaca sa 4 vatrogasna vozila. Požar je lokalizovan u 19:24 sati a likvidiran u 21:25 sati. Nije bilo povrijeđenih osoba.

- Dana 24.03.2019.godine u 03:44 sati, u ulici Hamdije Čemerlića u Pofalićima, izbio je požar u poslovnom prostoru (prodavnici). U gašenju požara je učestvovalo 6 vatrogasaca sa dva vatrogasna



vozila. Požar je lokalizovan u 03:58 sati a likvidiran u 05:00 sati. Pričinjena je materijalna šteta a povrijeđenih nije bilo.

Manje požarne intervencije su bile na gašenju trave i niskog rastinja (36 intervencija), na gašenju smeća u kontejnerima ( 7 intervencije), dimnjaka na stambenim objektima (2 intervencije), električnih instalacija u kućama (2 intervencije), gašenju zapaljenog ele.stuba (1 intervencija) i na gašenju automobila (1 intervencija).

**NAPOMENA:** U protekla 24 sata pripadnici Profesionalne vatrogasne jedinice imali su 27 manjih požarnih intervencija i to: 21 intervencija na gašenju trave i niskog rastinja, pet intervencija na gašenju zapaljenog smeća u kontejneru i jedna intervencija na gašenju zapaljenog električnog stuba.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 07:00 sati temperatura u Sarajevu na mjernoj stanici Bjelave je iznosila 5°C, vlažnost zraka 59%, barometarski pritisak 941,2 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1